

乾隆杭州府志

杭州府志卷二十二

山川 十 新城 昌化

新城縣

鷄鳴山 在縣東三里今改名學山

新城縣志

戴家山 在昌西鄉咸淳志去縣東南三里高七十丈

萬歷新城志

縣志

賢明山 在新城縣南三里即學宮朝山

萬歷舊志

百丈山 在縣南五里一名卓筆峰江繞其北大清一

志山屬太平鄉高二百丈咸化舊志百丈山之址曰獅子山

周天

球舒嘯亭記山左有太公澤古傳泰伯采藥南來飲泉而甘故

名

嘉靖浙江通志 許廣淵詠卓筆峯詩卓筆山形巧圖先景物褰片雲晴點墨滴露夜揮毫起草無時乏成峯

自古高大才力健今日助詩豪 許仲蔚和作勢擎霄

漢直根截亂山兼雲葉開鋪紙烟煤澗灑尖遠疑題塞雁

高欲象秋蟾倒瀉長

江水陶洪未足沾

按葛澧錢塘賦峯曰卓筆蓋指此也太公澤成化志謂

在昌化百丈山左者別詳昌化

烏伊山 在縣南五里祥禽鄉高三百二十丈周八十五

里 咸淳志 綠衣山舊名烏伊山 萬歷舊志

按舊浙江通志亦名烏衣

青巒山 咸淳志 在太平鄉 去縣南八里高一百二十丈 成化

舊志 晉郭文舉常隱于此山人為立祠 武林梵志 清閭游青巒山詩五峯高挿

雲居勝覽景流連趣味長碧樹葉陰山骨潤白蓮花積水
池香鶴尋巢徑松千蓋僧卧溪流石一床閒裡不知西日
落馬蹄歸
去帶斜陽

洪山 一名南洪山在縣南

萬歷舊志

塔山 在縣西二里

咸淳志

塔山擁翠東安八景之一

萬歷新城

縣志 見補之塔山對雨詩二首山外圓天一鏡開山中
雲氣似浮埃松吟竹舞水紋亂坐見溪南風雨來竹枝草
履步蒼苔山上孤亭四屬開烟雨濛濛溪溪水急小蓬時轉
碧灘來 爰誌塔山詩何年天上落奇星幻作青螺擁縣
城許遠祠堂靈氣壯葛洪丹井乳泉清雲歸猶想旌旗影
難沸還疑羽佩聲衣錦歸來登觀處山光不改舊時情
方堪塔山擁翠詩春滿孤岑翠欲浮雨餘烟草
露華稠巖頭一抹青如滴影入前溪碧水流

東山 在縣西四里折桂鄉

古今圖書集成職方典 洪

山撥磔梯雲興不怪絕頂峭峯凌漢外半空飛鳥渺人間
水聲東瀾笙簧叶石面侵苔錦繡斑今古幾人恁幽賞頭

吟日暮
欲忘還

大雷山 在縣西八里高峙羣峯之表為縣主山上有龍

池 大清一統 張復大雷山下眺望詩大雷山勢獨嶽崑
雄壓東安地軸深古木嵐交陳衆態奇峰

雲放拔千尋祝融任自誇衡嶽仙掌無勞說
華陰樽酒何時得瀟散直從絕頂一登臨

天柱山 大雷山西二里為天柱山下有龍池 大清一統
志

天柱山一名皇甫真君山在縣西十里七賢鄉 咸淳
志 山上

龍池中魚四足赤腹人呼為龍子 東安餘嘯 釋贊寧居
天柱山詩四野豁家庭

柴門夜不扃水遶成半偈月下了殘經難逐諸塵轉終歸
一念醒未知斯旨者萬役盡勞形 張璠登天柱山詩一

柱屹然立峻嶒插碧霄嵐分天目雨松帶浙江潮龍
子虛傳異仙人不可招回頭望塵市城郭大如瓢

烏嶧山 在縣西十五里折桂鄉地名苦竹有龍井禱之

應咸淳志

鳳凰山 在縣西十五里烏嵒山旁萬歷新城縣志

龍山 新城之西有龍山焉聳列五峰亘綿數里舊有龍

蛻洞相傳爲龍蟠之地石間鱗甲宛然尚存洞口兩崖峭

壁削立張球虛雲亭記

按蛻龍洞在縣西十八里各舊志只載其洞不載其山

今補列

成山 在新登鄉高三丈上有寶乘寺成化舊志

按潛志云寶乘寺在縣西十八里寺後爲蛻龍洞

神山 在縣西二十里新登鄉新城縣志

仙坑山 在縣西二十里七賢鄉晉咸和中有七仙客圍

棋石上因名咸淳志

按七賢鄉亦由七仙立名詳見潛志鄉里卷

嚙山 山有龍穴深十丈源水清澈內有金魚歲旱祈禱

必應古今圖書集成職方典在縣西二十里一名峭山高二百五十

丈周七里有巖洞泉池之勝讀史方輿紀要

巧坑山 在七賢鄉咸淳志去縣西二十五里高一百五十

丈咸化舊志

鳳山 在縣西二十五里新登鄉宋孫清所居萬歷新城縣志

南山 在縣西三十里廣陵鄉高三百丈舊志作縣北誤

萬歷舊志 許廣淵南山詩路入青山幾萬重前山行盡
路還通小舟棹急岩溪水高柳絮飛堤岸風春物老時林
徧綠曉烟收處日垂紅居民稀
澗兼窮僻多使頑夫氣自雄

按南山因與北山對待立名北山在縣北三十里南山
不應同在一里間縣志云廣陵鄉去縣西四十里山屬
廣陵則自不為縣北萬歷志改作縣西甚是今從之

石羊山 在縣西四十里高一百五十丈
成化舊志 許廣淵石羊山詩

白石何年出青山得此名人情從比擬物質自生成
古采秋陰薄荒園夕照明山根茅屋小猶聽讀書聲

錦邱山 在縣西五十里南新鄉
咸淳志在南安鄉高一百

二十丈周迴五里
成化舊志

按今南安鄉在縣西而南新鄉在縣西南宋無南安鄉

南安之地統隸南新故潛志謂此山在南新鄉

千頃山 與錦邛山俱在縣西五十里南安鄉舊志無萬歷

舊志

按千頃山在昌化縣西北六十里慎蒙名山記載昌化

山下又附記云新城縣西北六十里亦有千頃山並存

以俟攷

鴉棲山

在縣西五十里南新鄉高五十丈

成化舊志

龍邛山

舊屬南新縣今在新城縣西五十里

大清一統志

在南新縣南

太平寰宇記

郡國志會稽太末縣注引東陽記龍

邱山龍邛萇隱居于此非此地也然昔東陽爲會稽之西

部富春實吳郡之南鄉新城分自富春龍邱先生本吳人

隱居太末曾訪任延之府或上嚴陵之灘何必三九之洞

不致幽人者哉

神州古史攷鄭清之龍邱山偕萬君舉至慈照寺石壁下丈室避暑贈雲洲老師

詩嘉定丙子斗插申秋灰出管纔半旬我來適值盛暑節
蟬龍吐燄扶桑演濕雲擁岫呼不出火雲糊天挂赫日腦
脂蓋眼壯士眠誰挽天河瀉蒸鬱友人萬君家龍邱追凉
共作招提遊門人指點到丈室中有石壁清且幽半月泓
澄鎖寒渌氣象凄切涵清秋凜然便覺肌骨爽恍疑石隙
蟠蛟虬老師宴坐圓覺場一咲對客雙胡床雀芽新試蟹
眼湯未到舌本先生涼銀河倒挽揮玉塵果然驚出蛟龍
舞須臾霧縠浮圓尖地壘天昏作風雨吻端造化轉寒暑
約束商羊上天去雲開月明衆峯出指向巖前石應語歸
來爲之瓊瑤報清夢安排幾番到池角土花生碧草逗曉
簷前乾鵲噪我承佛勅爲
行詞可拜雲洲老師號

三九山

今在新城縣西五十一里中有仙洞

大清一統志

在南新縣西

太平寰宇記

舊屬南新鄉今改南安鄉高一百一

十丈

成化舊志

瑞應山

在縣西五十三里南新鄉

咸淳志

牢山

在縣西六十三里新安鄉

咸淳志

山高三百丈

萬歷新城

縣志

漁洲山

在縣西六十五里南新鄉中有合龍池或曰合

靈池巖上有三池深莫能測奇詭萬狀西又一池耆舊言

其源與天目龍池通每歲旱禱雨于此

咸淳志

白鶴山

在縣西六十里南安鄉漁洲山西

新城縣志

按萬歷舊志亦言漁洲山西爲白鶴山但漁洲已去縣

六十五里此山更在其西不應反近五里此處當有錯

誤

午目山

在縣西七十里南安山又十里則米積山

萬歷舊志

龍門山

在縣西七十五里新安鄉上有龍池

咸淳志

山高

三百丈

成化舊志

米積山

在縣西八十里南新鄉

新城縣志

按臨安縣亦有米積山

果園山

在縣西北一里

咸淳志

雲山

在縣西北一十里永昌鄉高一百六十丈

成化舊志

釋子山

在縣西北二十里永昌鄉有靈耀寺因以名山

咸淳志 山高一百八十丈晉悟空禪師與郭文築庵于上萬歷

舊志 祖世英釋子山懷郭文舉詩洞庭西門天下奇烟
巒百轉盤青嶺金堂玉室白雲鎖中有仙客閒棲遲方晴
秀骨郭文舉孤劍青鞋出巖戶竭來此地訪禪翁共掃松
花談太古拏龍忽駕升天行西歸隻履埋巖坳聲消影沒
遽如許故山惟有松風清道師懷古興不淺堂宇橫陳迎
翠巖悠悠遐想山阿人水帶雲衣猶在眼京颺五月吹浮
埃燕旗竹簟拖空階我來箕踞發長嘯月光飛射雲樓開
寸心浩蕩逸天外欲去復住聊徘徊永懷西山五色紫服
之羽化
登蓬萊

鄭冢山 在縣西北四十里下有新婦洞有泉可灌田壤

宇記南新縣有新婦洞在縣東卽此大清一統志山高三百

八十丈有源泉東南流爲湘溪嘉靖浙江通志山有石馬雨花二

巖最奇絕名勝志

黃山 在折桂鄉高七十丈成化舊志在縣北二里萬歷舊志

北山 在縣北三十里一名貝多山俗名官山頂有龍池

大清一統志 山高三百丈成化舊志 晁補之遊北山記去

石漸幽初猶騎行石齒間旁皆大松曲者如蓋直者如幢
立者如人卧者如蚪松下草間有泉沮洳伏見墮石井鐙
然而鳴松間藤數十丈蜿蜒如大蛇其上烏黑如鴟鵂
赤冠長喙俛而啄然有聲稍西一峯高絕有隙介然僅
可步繫馬石觜相扶携而上躔篠仰不見日如此四五里
乃聞雞聲有僧布袍蹣履來迎與之語聘而顧如麋鹿不
可接頂有屋數十間曲折崖壁為欄楯如螭篆繚繞乃得
出門隔相值既坐山風颯然而至堂殿鈴鐸皆鳴二子
相顧而驚不知身之在何境也日且暮皆宿于時九月天
高露清山空月明仰視星斗光皆大如適在人上窗間竹
數十竿相摩戛聲切切不已竹間海棕森然如鬼魅離立
突鬚之狀二三子又相顧魄動而不得寐遲明皆去既還
家數日猶恍惚若有寓目追記
之後不復到往往想見其事也

三貝山 在縣東北二十里昌東鄉高三百丈有水池半畝深三尺歲旱禱之應

咸淳志

三貝山似與北山無涉今縣

志云北山卽三貝山存其說以備叅攷

萬歷舊志

黑山 在新城縣山于平地中陡然奮起仰望奇絕逶迤而上數百步許有崖兩石峯相對徑甚狹且迅再數十步復開平地田園塘井可數十畝四逼山岡廻繞中有龍池半畝許大旱不涸有禱輒應常有祥雲覆其上遠方望氣者往往登陟觀閱皆以爲瑞亦謂小麻姑洞也有大石二一名伏虎石在洞口儼然虎踞叩之有聲每天將雨輒潤登攬俯瞰可閱百里一名棋枰石在前岡寬廣平正相傳

葛仙翁與客對局在此臘月山花盡開今邑惟此山巔有
蘭花又有水泉一孔冬夏不涸清冽異常昔有異僧來此
跏趺數月不食烟火去之時曾題壁間有俊毫千管秀翰
墨一泓香之句

武林
梵志

桃源山 山有鼠石其形如鼠山中人多以灰石爲業

東安

餘嘯 張瓚桃源山詩人蹤稀到處山卽號桃源有鼠化
爲石是禽解作言無深空磯硤俗樸撤籬籬莫道武陵遠
溪行已
近門

按右二山俱未詳其道里又縣志錄方堪平山詩云依約
茅茨小迢迢花霧重築巖臨孔道立社附堯封四月千家
茗三秋百里松穰穰多秔稻豐樂在明農其山亦未詳

所在

赤土嶺 在縣東三里又深嶺在縣東十里萬歷舊志

高平嶺 在縣東南二十里新城縣志

按嶺達富陽縣嶺上為二縣分界處

九嶺 九嶺白峰嶺俱在縣南三十里萬歷舊志 徐璣過九嶺詩斷崖橫

路水潺潺行到山根又上山眼看別峯雲霧起不知身也在雲間

桐嶺 在縣西南二十五里又龍門嶺在縣西南三十里

萬歷舊志分水縣東至新城百里其縣東有桐嶺羅嶺皆路達

新城讀史方輿記要

按富陽於潛各有桐嶺各不同此桐嶺為縣與嚴州分

水縣分界處蓋疆域之大綱也自縣至界二十五里舊府志以桐嶺龍門嶺合爲一云俱去縣三十里誤

佛嶺 在縣西十八里新登鄉初梓州刺史羅石期掘地

得銅佛像載歸一旦失所在而新城人獲之于野建靈遠

寺奉焉佛嶺之稱由此

咸淳志

巖石嶺 在縣西三十里

舊志

塔山嶺 在縣西六十里羣石赴溪水如牛馬飲河

新城縣志

張纘塔山嶺詩新城多高峯而有塔山嶺石骨瘦峻峭蒼然蒼鋒穎肖作牛馬形矩步以引領溪流近可飲後先爭欲騁春風草木綴四顧悉瓌景何獨志見遺弗與草鞋等于此感知遇物有幸不幸

石門嶺 在縣西北二十里又閣嶺依嶺俱在縣西北二

十五里 萬歷舊志

青牛嶺 在縣西北八十里一名多福嶺上接天目秀拔

萬仞為縣境諸山之宗通於潛大路 大清一統志 舊名寶福

山 咸淳志 天目山分支至青牛嶺入邑境若析而三之峰巒

起伏縱橫森峙其中支西來者結地為縣 周天珠舒肅亭記 蘇軾詩青

牛嶺高絕處有小寺人跡罕到暮歸走馬沙河塘爐烟裊

數十里香秋行曳杖青牛嶺崖泉咽咽千山靜君勿喚山

僧耳壑喚不聞百年俱是可憐人明朝且復城中去白雲

却在題詩處 釋曇瑩青牛嶺書事詩 閑山不易老龍眉

千古叢林碧四圍月斧風斤何造次烟幢雲蓋竟參差

神未借移山力木客空歌弄月詩擬試東坡種松法寒聲

落枕定何時

按方輿紀要稱此為青牛山由此更西北十里則浮雲嶺

爲於潛新城分界之所詳見於潛卷

大小嶺

大小嶺草鞋嶺松柏嶺俱在縣北二十里

舊志

按草鞋嶺連富陽界詳見富陽松柏嶺萬歷志作栢枝

嶺

石馬巖

在縣西三十五里廣陵鄉新婦洞之上山多巨

石遠望如萬馬西來

新城縣志

雨花巖

在廣陵鄉新婦洞東花草蓊茂故以爲名

新城縣志

太師塢

在縣西十里折桂鄉袁村杜太師稜墓在其間

遂以是名

咸淳志

仙洞

在縣南二十五里太平鄉洞口如屋宇至一二百

步漸下有隔石似木橫道人不得入父老相傳通桐廬縣

界咸淳志

閩苑仙人洞

在桐廬新城交界

東安餘瀟

又一仙洞在南新

鄉三九山洞由階級而下漸就平坦深約二十餘丈橫潤

數丈石如覆屋中有石柱擎之柱旁一隙通明周迴石巖

有水波紋上懸石乳如碗如玉圖畫不能盡其妙

舊浙江通志

蛻龍洞

在縣西十八里新登鄉相傳云初開此洞石門

有九里深不可極得牙骨一斛皆謂龍蛻而去石間尚有

鱗爪痕自尾至首宛然龍形也稍深入岐爲二徑遊人至

此不敢復入

咸淳志

司馬樞題蛻龍洞詩雷斧何時起
螭龍蒼痕天矯石巖空不緣嗜好尋劉累定

向人間試葉公 徐評蛻龍洞詩蒼蔚蒼巖下雲蹤此暫
蟠雲雷一夜起風雨滿山寒骨腐岩方綠涎餘石未乾
憑圖畫去聊寄葉公看 李處全遊蛻龍洞詩龍化當年
去不回空餘古洞出崔嵬蒼蒼野色連天遠脉脉泉音穴
地來壁上梭飛三尺雨匣中劍躍一聲雷江雲六月炎蒸
處應作商霖澤九垓 張球蛻龍洞詩一夕飛龍後經年
古洞陰石鱗披五色峯角聳千尋岡勢迎霄
舞泉聲向夜吟雲從如有待不負作霖心

咽水洞 距縣三十里廣陵村平坂中一山突出皆頑石

前有一小洞洞口可容十數人立人無所言洞內外寂如
也惟人向洞請水其洞內卽闐闐作聲須臾水向洞口噴
出人言水足其水復返儻再請如前水之出納亦如前雖
百請亦百應也鄉人每歲致祭呼曰仙官
武林
梵志新城縣有
咽水洞人至洞口揖請卽洞中噴出泉水魚蝦亦隨水跳

躍人又揖曰水足矣隨復返流洞外田萬畝藉此灌溉無

乏

六硯齋
筆記

漁泉洞

在縣西三十五里山前石門屹立西通天目中

有龍池

大清一統
志

屬寧善鄉洞高十丈洞口如字行八百

餘步有石如龍形其旁有池可半畝四時不竭溉田甚廣

成化
舊志

池流餘派入于汭溪

嘉靖浙
江通志

羅宅洞

在縣西五十里新安鄉地名羅宅

咸淳
志

按夏陳二志以此爲在縣南故改新安鄉爲南安鄉今

實在縣西應從咸淳志

靈隱洞

中分二洞一有水清淺可玩洞盡處又有口如

甕水音澎湃其聲不絕一無水洞上石乳滴成如鑊劍

今古

圖書集成

在縣西六十里新安鄉高十丈濶五丈其深莫

測中有澗水四時不竭相傳云昔有人遊洞中逾二日忽

坐洞門前石上云見神人叱之不覺身出到此

咸淳志張贇遊靈

隱洞記西距新城城六十里有洞曰靈隱探奇者悉謂其
勝戊申春予承乏茲邑越三月以履畝之役道出南安鄉
雲冉冉起車下從事指以告曰此卽靈隱洞也蓋往觀乎
予唯之遂踰層崖歷難陽公祠度約畧曲折以上至洞口
行不十步亭氣侵膚煩燥頓釋洞之上陰膏積結如乳如
珠如懸錐有礬錯不盡其巧者再十步餘洞側突出一石
大可坐七八人過是以往則豁然與甕不可置步矣老僧
束炬前導以助遊興稍深入睨若無際二洞分焉曰水曰
旱若陰陽之在渾沌未剖也自右入水洞水濶以清各自
爲穴鱗次起伏作波浪紋縠縠迴從之曲有深致如是者百
步勢漸京形漸狹一隙吻張僅可蛇行入吻內水聲澎湃
竚立聽之濕沾衣裾不可久留轉入左其壙呀然亢不受

足命青衣披而上走二十步數穴逶迤覆以垂石或爲牙錯或爲戟張恍然仙家之羽衛也命僧人反炬至前中分處戲擲石子投壁間琤琤然其音清以越從人有爆竹者雜以鼓吹殷殷作雷聲揮之止山洞門前有諸生高子吳子持肴旅以待飲數杯輒行遣思渺渺竟忘此身爲俗吏也

新婦洞 在南新縣東洞有潭深八九尺水清瑩中有鰻

魚一頭甚異

太平寰宇記

在新城縣西北四十里廣陵鄉鄭家

山古老相傳云昔見一婦人靚粧而入失其所在因以名

之洞有泉源溉田甚廣十餘里門歉歲常豐又縣西二十

里七賢鄉地名長欄有一洞亦名新婦洞未詳

咸淳志凌誌新婦

洞詩絲禽携却避强秦入得山來不記春洞口桃花流水去村農來作饌房人

將臺石

一作將臺石

將臺石在昌西鄉下港口山臨大江與狀

元峯並峙上有石壁重重俗傳宋時觀兵于此故名

萬歷舊志

東南港口有將軍石下臨大江石壁周圍嘉靖間建墩堠

于其上

讀史方輿記要在縣南三十里新城縣志溫朝祚將臺石詩野曠登臺日晴空縱

目初江聲來瀚海山色接蒼梧將業今何是墩房借振謨

偕遊明盛世歌訟載康衢方廉將臺石詩昔年名將幾

登臺今日春風拂草萊石壁憑誰依險立墩房猶自逐江

關胸中兵甲知多少意外隄防定幾回氛祲潛消弦誦滿

文明應見

出羣才

金雞石 在縣西十八里新登鄉寶乘寺前大小參差若

飛走間有高冠長喙如欲向人鳴者溪水泛時衝擊有聲

古今圖書集成職方典

仙人石 在縣西六十里新安鄉上有萬年松狀似柏與

山之石皆以奇得名

咸淳志

按成化舊府志作仙人石山山字當爲衍文萬歷府志縣志山與石兩載者非

石丈 俗名石山在縣西十三里新登鄉有龍鱗虬甲蟠

累石際

新城縣志

鼉江 在縣南三十里其上流曰葛溪溪自三溪口東出青雲橋名鼉江經雙江口會松水又至縣東南十里匯爲綠渚又十里匯爲深浦又南至峴口入大江

大清一統志

新登鼉江常有二氣亘于江上晝夜不滅及羅隱泊丞相杜建徽生而二氣不復見識者以爲文武秀氣焉

吳越舊備史

時江流甚濶元時水失故道溪漲沙平

讀史方輿紀要

葛溪 在縣西七里折桂鄉葛仙翁于此煉丹有井

咸淳志

源出南安鄉東流至雙港口十里合松溪水不通舟楫

咸化

舊志其源有三一出漁洲山曰西溪一出回源池曰金源溪

一出靈隱洞曰盤石溪至南新城而三水合流謂之三溪

口明初張士誠據嚴州復據分水新城間之三溪李文忠

遣將何世明擊敗之卽此三溪口也

讀史方輿紀要

三溪合流抵

朱村東過里仁橋并受分水界余源水衝巖石嶺經洗馬

潭石牛潭胥口渡轉東南流滌洄迂繞越漁池袁村達汎

溪口受湘溪七賢港水抵塔山胡衙壩經縣治東南賢明

山出青雲橋下爲鼉江浮石潭又于雙港口會松溪水合
流過綠渚深浦董灣峴口入于江由江而上至綠渚埭二
十里通舟楫自綠渚抵縣十里至各溪港用竹筏往來

新城志

余溪 在縣西二十五里廣陵鄉源出分水縣至巖石與

大溪合流

咸淳志

按舊志訛作余溪縣志作余溪考古無余字余卽余之
俗體縣志是應從之

湘溪 在縣西三十里廣陵鄉源出新婦洞南流至張澗

二十五里與大溪水合

咸化舊志

盤石溪 在縣西五十一里新安鄉源出靈門至南新鎮

南一里三百步與漁洲靈池水合流入縣

咸淳志

釜源溪 在縣西五十五里南新鄉源出廻源池與漁洲

水合

咸淳志

西溪 在縣西七十里南新鄉源出漁洲山底與於潛天

目水通流

咸淳志

自漁洲山東流至三溪口四十里

咸化舊志

廣陵溪 源出新城縣西廣陵鄉至分水縣東六十里下

流匯天目溪

分水縣志

松溪 在縣北五里源出臨安縣錦溪分流匯諸山谷之

水由縣西北三十里之依嶺入縣界東南流入鼉江

大清

一統志

至行者橋與葛溪合流入江

咸淳志

由依嶺左入何阜

右入雲山過新堰下松溪橋衝激為沉山潭為青山潭抱

縣南流至雙港口會葛水

新城縣志

新城四顧皆山也春夏之

交山水或決而入溪則洶湧散漫往往迷野而松溪為甚

父老云溪上昔有一松甚大故名溪本有二復合而為一

徐訐歲

寒橋記

桐溪 紫溪東南流逕桐廬縣東為桐溪孫權藉溪之名

以為縣目洞溪又東北逕新城縣入浙江

水經注

新城縣有

桐溪

輿地廣記

胡公渠 引新堰水注于城河堰去城八里水初不能達

明天順間郡守胡濬相度築塔山堰開溪導流以入濠凡

五里許負郭田不憂旱者五千畝民德之名胡公渠

浙江通志

綠渚 在縣南十里太平鄉自大江而上約二十里通百

貨往來實縣之水陸孔道

新城縣志

深浦 在縣南二十五里昌西鄉乘潮來往增減溉田五

十畝

咸淳志

濶二十丈深淺無度

成化舊志

九澳 縣北五里有官塘堰水溉田有九澳永淳元年開

唐書地理志

洛丹池 在寧國院舊址前朝暮消長與錢塘潮汐同人

候之不差晉郭文舉遺蹟也

古今圖書集成藏方典

放生池 在縣西七里寶勝院前唐天寶中置池深丈餘

周二里相傳云內有洞下通桐廬江

咸淳志孫清放生池記新城環縣皆山

羣峯秀峙勢若奔走往往應接不暇而溪流貫其中方時雨浩浩湯湯驚湍急前而草之能禦逮其止也則朝滿而夕已除矣餘波清淺映帶井疆昭耀巖谷明媚可愛自縣西行六七里有所謂魚池者父老相傳唐天寶中置為放生之所質之經籍深丈餘周二里內有洞穴下通桐江年代深遠莫從稽考縣人名其溪曰葛溪以謂吳方士葛生仙翁曾煉丹于此魚池之山實其結廬之所因創為寺古即號魚池院詳符初賜名寶勝又即其潭為池以放生亦取其溪山之勝故耳其碑尚存乃唐人遺跡嘗試凭欄而下瞰淵淵乎深測之涼然使人毛髮盡立雖明可以燭鬢冒雨了不知其紀極也意者放生之久變化無常而神物所寓或在是耶歲有小旱邑之吏民多禱于此而其應如響今其院宇日以寢廢又為亭以枕于池上比昔為壯麗云

躍龍池 在縣西四十五里蛻龍洞下縱深尺餘雖旱不

竭萬歷新城縣志司馬槲還憩龍洞池亭名其池曰濯龍詩梅萼春前破松髯雨後滋石嵯鳴野鶴竹塢窺香

狸山脚重重轉溪流泯泯蓮殷勤窺洞府又得濯龍池

合靈池 在縣西六十五里南新鄉上有漁洲山池澗一

丈五尺深七尺旱禱必應耆舊言其源與天目龍池通咸淳

志西溪之水源出焉嘉靖浙江通志

龍池 天柱山龍池去縣西十里折桂鄉峭山龍池去縣

西二十二里新登鄉漁泉洞龍池去縣西四十里寧善鄉

回源龍池去縣西七十里南新鄉龍門山龍池去縣西七

十五里新安鄉三貝山龍池去縣北二十二里昌東鄉化成

舊志張翥遊高山龍池詩高山嶽嶽一峯懸下有龍池相接連搜奇自我着游鞭潯潯澄澈智德全側身却立垠

場邊趾錯肩摩履舄填蒼厓盤壓絕術阡蔚藍光涵半壁
天靈怪棲息此地偏窺如廊廡不支椽寒藻澹漾任風牽
沐日浴月驪珠圓人言斯地海通泉潮信消長進石穿亢
陽里社禱池前投綫水底驚龍眠須臾上浮若神寧此語
得無好事傳神物隱見幾何年說來猶使心魂虔偶因古
洞訪閩仙臨流眺覽興悠然泡影參得不語禪搖鞭前去
巔陟層

按諸池所屬之鄉各不同咸淳志謂三貝嶠山天柱回源
四池並在南新鄉者誤張瓚所云高山龍池亦無可考高
山不見前志詩內有因訪閩仙之語似池與閩苑仙人洞
相近蓋在縣南之太平鄉也今姑附錄於此瓚詩自註云
土人言早禱者投鏡池底自下浮出石上則雨屢試屢驗
亦可補前志之闕

碧沼 在縣南七里寧國院唐大中八年建碧沼院咸通

十年改碧流院有金魚可愛盛夏水不竭灌田甚廣咸淳志

裴極碧沼詩一沼光涵四座寒久陽回首更凭闌憑師早把香蓮種他日期來結社看

按咸淳志寺觀卷云晉隆安五年賜額碧流院咸通重建門枕小池吳越王更爲碧沼與山川卷所說不同未知孰是

普光山泉

在縣東十五里昌東鄉普照院

古今圖書集成職方典

清心泉

在縣南三里賢明山廣福院舊址

成化舊志

咽泉

一作謁水靈官泉又作噎泉

謁水靈官泉在廣陵鄉楓林塢舊志

石有小洞尋常無水人以誠禱之洞中汨汨有聲泉卽湧

出飲足而泉止故名

萬歷舊志

咽水泉在縣西三十五里橫澗

三尺許泉水時消時長如氣有呼吸如潮有進退嘗嘗有

聲忽焉消長者數次亦奇境也舊名謁水靈官泉謂斯地

本無泉人以誠禱則出殊鄙俚可笑意以泉之消而復長

若咽喉之吐納訛咽為謁乎故易今名

新城縣志

張戩

何年開噴出寒泉雪樣白忽消忽長渺難知驚然見之良
駭客精衛循環轉輾輾潛蛟呼吸聲溢溢一楓千似綠陰
重半壑澄泓頻頻岩壁問泉何事騁奇觀可是丹田蓄真液
吐新納故胡頻頻泉豈有心為陳擇或言泉自山中來枯
崖頽岸半龜坼或言泉眼為地塞須臾何山穿土脉無端
饒舌總筌蹄欲知此意證禪伯箇中妙理細參求莫作浪
花泡影擲張瓊咽泉詩一山如了髻左右出兩肘融津
化為泉吐納存手口消長自乘除持滿不自有或地氣使
然呼吸轉升斗人言水可謁吾云實否否因之悟盈虛惟
謙德是守朱棣靈官泉詩三首并序泉在新城縣之三

溪村地名永樂泉長則水溢外溝出山而止消則水縮穴
底下見沙石津津吐沫不一時而盈滿一池矣一日凡數
消長土人來泉上以遇長爲利市丙午秋盡來酌茲泉味
甘美因紀三詩曉入菖蒲塢爽氣欣初晴掬此一泓泉乃
值坎既盈細琢龍龕出口先有聲奉匱怡所受盤瀉如
珠傾下臨不渴溪裂地縫不平未暇窮尾閭寶礫光晶熒
少焉失涓滴潛伏歸亡形六時觀妙理太初完樸誠微豚
感翁受卵殼含雞情谷神大撫掌魚眼循環生頃刻石液
竭酌彼枯瓶甕暗寶輾轉郭索爬沙行遠脉暗抽發敢
訝幽怪呈露華時偃仰林壑增風清一杯神翁信洗眼秋
波明素箭運坤乾一呼通一吸萬象各含生吐納元氣襲
斯泉洩其機同穴分燥濕從誰測乾源拾瀦地無汁翻涌
不自由深射可注挹震盪亦旣平良盃不暇給只作逝者
觀扶眼靈異集一泉始歸山誰與喚之出一泉旣下山誰
復嚙之入冷風相與遭疑有伏龍蟄舊聞苦難搜晝夜但
鳴咽誅茅構小亭天體覆一笠不惜坐移時添衣更危立
晚雲四隅散遙峯青可挹較量瀕洞源狼藉碎珠粒鬼喝
天吳驚電消神女泣訪諸父老言山坳鎖紺殿楓人扶雨
青寒威掣巖電階下水一盃無塵翳鏡面滿玉螺蟠吞
吐瀑泉濺無腸亦能鳴餐吻哆口噏殼黃隨月滿盈縮驗

水府往者聞未聞今乃見所見溪靈產異人青白腦神煉
氣奪衣錦軍光溢澄江練科第豈足酬脫白去鄉縣含茹
昔英華宛轉珠一串益漿墮高靈神漢發道院大傘張炎
官水府習慶戰泄腹笑彭亨蓮壺激花箭迴環如有待漱
石繼清盥玉版四時敵山有羅
夕膳攜瓢許再來松陰路斜轉

寒泉 在縣西六十里菴頭山石巖下泉湧如輪冬夏不

竭灌田數百畝 大清一統志 在南新鄉宋至和二年縣令吳

正仲刻寒泉二字于石壁 萬歷舊志

安樂泉 新城翊應將軍廟有井曰安樂泉民病求飲活

者萬計 汪績廟記

按泉在縣南太平鄉綠渚

杜公井 在縣城內唐乾寧中杜稜鎮東安董昌圍急城

中乏水穿土及百尺不得泉稜虔禱之泉立至民賴以活

曰爲杜公井

大清一統志

彭家井 在縣北門內彭家巷大旱不竭城中人多賴之

古今圖書集成職方典

黃金灣井 在縣南二十里地界新城桐廬之間荒僻險

遠宋淳祐中縣令趙崇佺開鑿以濟行者

大清一統志

淳祐

丙午趙崇佺命寶林寺僧如炳就創接待菴鑿井飲往來

者扁曰趙公泉

咸淳志

煉丹井

一名白乳泉

晏公輿地志云葛仙翁煉丹之所

咸淳志 漁

池寺前有葛仙翁煉丹井曰乳泉其白如乳

武林梵志 晉葛洪

得從祖元導引之法煉丹于漁池山山有丹井泉如粉汁
或云洪丹鼎藏井中常見有祥雲起其上萬歷新城縣志
詩鳳凰不棲枳天馬肯就閑胡為九淵龍卧此數仞山苟
無風霆威何異蛙蟻繫世網易嬰人有如百尺瀾悠哉志
士懷直欲甦人寰一朝躡浮雲游戲窮元間寧知天瓢側
不及簪井蟾百年撫陳迹老木亦已刊名高雖易毀志遠
終難攀山中白頭僧笑我發浩歎

龍井 在縣西十五里折桂鄉地名苦竹咸淳志

下溪渡一作南溪渡下溪渡在縣西南一百步橋名觀音橋咸淳志

志南溪渡在縣南百步元時水失故道溪漲沙平今與上

溪合流比舊渡處遠五十步咸淳志

南津渡 在縣南一里有灘名過岸灘咸淳志

昌化縣

唐山 在昌化縣治北延袤五里爲縣治之障大清一統志

山高二十丈爲縣治主山咸淳志唐神龍五年改武隆縣爲

唐山因是山也咸淳志

青山 在縣治前雙溪南岸延袤四里其狀如屏亦名南

屏山亦名官山大清一統志山高二十餘丈聯峯羅峙叢木

蒼翠影落中流秀色可覽蘇東坡詩云亂山滴翠衣裘重

蓋指此也咸淳志

武隆山 在縣治西北一里高五十丈周圍二十里唐天

后以山名應圖識分紫溪縣別置武隆縣咸淳志山高一百

五十丈其巔有池相傳為葛洪煉丹井

萬歷舊志程宏道武陵山詩青嶂

高千仞羣峯俯岱齊農桑依古陌市柳接平隄鳥影紛投

樹泉聲乍咽溪雲根何處覓荷斧只林西徐正矩登武

隆山巔詩徑僻蒼烟絕平蕩絲樹通松濤驚驟雨鳥陣破

長風題句傳羅隱求仙問葛洪尚餘城郭在孤寄萬峯中

許先甲登武隆絕頂詩二首東南千嶂絕江湖萬里清

空入望孤水下巖陵趨大海山迴銀嶺走東吳海雲出壑

諸峯沒落日橫崖萬木枯植杖遠瞻天已近星辰北摘是

方壺日銜西嶺江天碧風下長松深壑號白石亂眠疑虎

豹青楓森立似旌旄天邊雲影移丹嶂峰底泉聲隱白蒿

極目萬山最深處輕烟直上有村膠程偉登武隆山詩

芙蓉丹嶂曉霜摧蕭瑟晴林接上台木葉偶隨春雪下澗

花忽傍鷓鴣開風塵吳苑千年樹日月仙家百尺臺自昔

深山樓許邁餐芝煮石可徘徊

百丈山

本名潛山

於潛縣紫溪水出縣西百丈山即潛山也

水經

堯時洪水此山潛水中不沒者百丈因名吳興今昌地記

化有百丈山紫溪水所出東南流經新城謂之桐溪輿地廣記

山在縣西二十里高一千五百丈周迴二十里一名潛山

山上有太公澤旁有王太伯鹽洞山下兩石對峙高二三

丈號秦皇石其二峯並者號雙峯咸淳志百丈山上有石房

內有石案置石書二卷異志其山高廣雄深能出雲雨又多

產靈藥及濟饑草木實為唐山之望成化舊志范成大百丈山詩林雨梳風

有底忙解鞍來宿贊公房傳聞三嶺連天峻未到王千已斷腸

按張勃吳錄於潛縣有替山即潛山也漢志替亦無水

於潛縣實由此山立名唐分於潛地置紫溪武隆二縣

輾轉改易山屬今之昌化舊記此山及晚山紫溪之屬

多標於潛舊名今各仍原文下倣此

雲谷山 在縣西三十五里原野平曠數百頃岑峯崛起

林谷透迤常有雲氣出沒

萬歷舊志

鷲峰山 在縣西五十里高六十丈唐大歷中俱胝道者

所居後捨爲寺山南有起雲墩東有白潭山寺後有丁東

洞

成化舊志

石柱山 在縣西五十里高五十丈延袤十餘里中有巨

石如立柱

嘉靖目化縣志

大鵠頭山 在縣西六十里或以爲山類鵠頭或以爲鵠

曾棲止得名勢凌霄漢人不可到惟採藥人結伴携糧具

火信宿上下其中坦平神仙所棲花果人不敢採有龍池

澗三百畝四傍如葑田歲旱人攀緣禱雨其上

成淳志山高

一千丈與百丈山相連

成化舊志

山與千頃山並接江南寧國

縣界

大清一統志

龍塘山 在縣西七十里由十八曲嶺而上怪石森立上

有龍洞有龍池二一在山巔廣二百餘畝一距上池十里

廣十餘畝

大清一統志

山高一千丈延袤五十里林谷幽邃

不類塵世

嘉靖昌化縣志

山中石壁環列如城多奇松人莫能取

巖水注下會于澗山麓有石龕石竈

名勝志

徐然游龍塘詩夙有尋山癖今

來訪石林罨風吹帽重寒露入衣深室自雲中構人從天上吟勝游良不易明月照山岑 陳秉謙龍塘曉起詩雨

曉山窗靜閒聽鳥衆啼霧搖千嶂綠雲繞亂泉低梵鼓催心戒禪鐘擊性迷未知僧定否獨坐向巖西

昱嶺山 在縣西七十里西去江南徽州府一百二十里

嶺高七十五丈地勢險阻舊置關于此大清一統志右當歙

郡之口東瞰臨安之郊南山建德之背讀史方輿紀要范成大昱嶺詩竹

輿搖兀走婆娑石滑泥融側足過昱嶺不高人已困晚登新嶺奈君何

大鳴山 在縣西九十里南接嚴州昔悟空禪師隱此咸淳

志山延袤九十里高一千一百丈山頂平曠廣千餘畝中

有龍潭山半有瀑布泉大清一統志相傳唐宣宗微時隱于

此大中初建寺其上山半有白蛇巖又有鴉子峯神鸞峯

崑崙巖在其下成化舊志

按舊唐書宣宗本紀有大明宮爲宣宗誕生所此山及寺疑以宮爲名宣宗隱事于史未詳當屬附會

量金山 在縣西九十里

古今圖書集成職方典

晚山 於潛山西有晚山悉是松木墨煤所出也

太平御覽引吳

典記在昌化縣西北十里高一百四十丈周廻三十里晉許

遠遊所居山下溪灘號許游灘唐人詩葛井許灘今古傳

遠遊嘗至於潛採藥遺跡爲許游觀其事甚明但今復號

灘爲洗耳灘又引巢父飯牛爲侶號橋爲白牛橋蓋因由

游二字音同而訛耳

咸淳志

晚山一名箕山

咸化舊志

箕山上有

天池奇旱不涸又井七今迷其五有二

舊昌化縣志

按名勝志云晚山一名箕山萬歷志有箕山無晚山咸
志則兩載其述箕山但云在縣西北十里神仙所隱似
當與晚山無別

巾子山 在縣西北四十五里咸淳志山高三十八丈延袤

七里萬歷舊志

甲子山 踰長風嶺而南爲甲子山盤曲幽峻沿岡數里

忽爾開明平遠豁暢張芬記

按此山舊志未載惟

國初時張芬作記始傳之

千頃山 在縣西北六十里高一千六百丈綿六十里巔

有龍潭廣數百畝左有樂利峯壁立孤峭大清一統志參寥

詩有茲山嵯峨冠天半之句上廣千頃有龍潭清葦四密

潭中魚金銀色有娑羅巖生娑羅樹一株蔚然聳翠初夏

開花香聞數里海棠瑞香徧生山麓咸淳志司馬槲干

開童女頰蕨芽初長小兒拳山中雲雨雖無味何似山河

走莫烟一迤春水應江潮中起沙鷗數尺高誰謂風雲遠

朝市亂山深處亦波濤又五言古詩欲為龍池遊束裝戒

蓐食鷄鳴天未曙呼童重蠟屐晨濛濛迴寒溪礪攀度亂石

迢迢萬丈嶺宛轉蒼龍脊山高吐朝氣恍不辨咫尺俯聽

雷雨聲仰逕猿跡委蛇度花塢綠淨草可薦喜如出籠

檻身輕飛鳥擲不辭雙足繭遠採蛟龍窟傳聞此山巔舊

有滄海色邇來三十年潭湫變枯荻至今應江湖尚訝鷗

鷺集至理竟未解對之空太息不如西湖遊揮篙汎瑤碧

雲行兩舍始窮絕頂見招提碧閣丹樓屹如畫門前池水

畜蜿蜒座上風雷驚晝夜峨嵋五臺誇壯觀品目此真不

爲亞偉哉南師非世人開荒闢土初椎輪寥寥相望三百載廢興一一難具陳丹邱大士來鼓舞氣象煥發重增新虛堂選勝得佳處隆簷巨棟成遼巡甯屏洞達舒兩目異景錯出羅縠縠朝雲夜月常萬頃寒光炯炯如鎔銀掌中隱凡人何似湛若玉兔懸秋旻勝名園鏡示來客庶使方寸無留礙吳玎登千頃山詩松檜陰中六月清異花靈草不知名路從瓊液山前過人在水晶宮上行千尺翠嵐分月色一軒寒籟動秋聲登臨不壓躋攀峻貪看雲從島生下

按司馬桓三詩皆載咸淳志桓字才仲參寥集有千頃廨院觀司馬才中遺墨詩舊志作宋司馬章桓昌化志承之宋時昌化雖有章桓而不爲司馬依咸淳志爲是

洋丁山 千頃山西有洋丁山接寧國縣界其水北流入

寧國縣之東溪

續史方輿記要

龍池山 在縣西北八十里自趾徑盤旋其巔七里古

菴焉菴前有龍塘塘外有龍井二其一為婦人盥手而潤

其一雖大旱不竭

古今圖書集成職方典

筆峯山 一名金家山在縣西北九十里自下觀之峯峰

如筆上坦平可棲

萬歷舊志

白雲山 在縣南十五里

昌化縣志

猊山 在縣南十五里拔地而起勢甚盤旋

昌化縣志

賦稟地德之靈運今亘嵒薛而盤紆宣萬物之鬱氣今蔚
葱龍而敷映金精萃而殊狀今來西域之白澤天骨雄而
異姿今類毛羣之巨擘濶臆今藏會雲而蓄銳勁毫今鋪
蒙茸而柔羣奮長鬣兮威稜赫其見齒煥赤文兮喜情溢
而掉尾掀鬚形而吐虹霓今陰林怖其木魍瞋目而睇
霄漢兮幽谷駭夫山鬼歎珠光兮電晃發吼聲兮雷響康

捷走兮不及奔
點而退罔兩其春山淡兮俯視夏山榮兮綵冒秋山明
兮舒嘯冬山寂兮形峭况馬腰之漉沉兮恣繞怒而渴飲
翳橫田之繡陌兮任蟠旋而高枕鳳凰鼓翅而對舞兮延
欲比其苞采卧龍曜而廻環兮幾相和以豪吟維茲陵之
獐猱兮朗日月而鍾祥護智士之墓卜兮度陰陽而允臧
開丕基以莫居兮爰肯構而肯堂結芬楸以相向兮亘雄
虹之棟梁闢榛莽兮布嘉禾誅菅茅兮藝瑞麥邀靈雨兮
徧瓏披祥風兮盈陌虎豹遁藏兮懾其威熊羆却伏兮畏
其嚇何有乎麋鼠之細田稀之劣要無不藉吾覩之阿護
兮慶豐稔而安樂宅

峒麓山 在縣南二十五里覽溪之上高百丈延袤五里

嘉靖昌
化縣志

仁山 在縣南二十五里下有溪流九曲 大清一統
志 山高

二十丈延袤六里山勢盤廻林木蒼鬱 成化
舊志

石筍山 在縣南三十五里巨石如笋故名名勝志山高一

百五十丈延袤二十里萬歷舊志山與石室聯屬下有千人石

康熙昌化縣志

金山 在縣南三十五里上有玉嶺石壁峭立百餘丈泉

瀑飛流下有石穴曰龍孔泉可資灌溉大清一統志山與石

筍山接旁有金紫巖峰巒特秀又朱貴峯與金山相向嘉靖

浙江通志

石室山本名室山室山嵌空如室太平寰宇記去縣南四十里高

一千丈有盤陀石大如屋前插一簷內作菴可設榻容二

十人名不疑菴後有虎威巖成化舊志山延袤四十五里萬歷舊志

張芬題石室山詩石頂蘭爲茅石下
雲爲戶飛泉日障簾不許凡人觀

竺雲山 石室山東爲竺雲山一名何上坪

康熙昌化縣志盛經燧

竺雲山詩翠蟲羣峰上嵐光帶晚烟林深攢落日壁斷扶
寒泉雲浪翻空海松風度遠川臨崖長嘯發萬籟共迢然
釋白幻登竺雲山詩獨上千峯與萬峰晴嵐淡寫海江
客偶從動問山居事笑拍巖前一樹松姚九穗登何上
坪詩羣峰圍半嶺曉樹破蒼烟塔引懸蘿登巖飛瀑竹
泉雲移窺碧澗日落俯晴川萬象登臨外虛空欲問天

鼎山 在縣南四十里高三百丈絕頂橫坦如一字中有

巨石方廣畝餘登覽其上四遠勝概近接目前

昌化縣志

潘山 在縣南五十里山勢峻拔松林二十里松間有置

窑造墨處

咸淳志

佛跡山 在縣南五十里高千丈延袤三十七里崖石峭

峻登者必窮日始至其巔大清一統志昔獵者見神人示雙

跡于雪中因以名之

咸化舊志

銅坑山 在縣南五十里東接分水南帶淳安西亘績溪

其最高峯名銅坑窮絕處有龍池三草木蔭蔽龜蛇浮游

或雲氣籠罩必雨歲旱禱焉咸淳志山高一千丈一名福泉

泉山

咸化舊志

福泉山 在縣西南五十里神龍所居雲出其中則大雨

咸淳志山之絕巘曰銅坑峰

嘉靖昌化縣志

按銅坑福泉本一山而咸淳志兩載一在縣東其一在

縣東南蓋以其最高主山爲銅坑以近東支阜爲福泉

也古山至後世支分派別各立名目如此類者甚多今從咸淳志

柳相山 在縣東南三十里高一千八百丈延袤一百二

十里柳溪經其麓東接於潛紫溪南入分水縣界大清一統

志一名柳相柳音留成化舊志

按東接紫溪南入分水者謂其山下之柳溪水也潛志無柳溪句似謂山及兩縣界矣茲故不取

湖山 在縣東南五里古今圖書集成職方典

朱貴峰 去縣南三十里與金山相向峰腰有石壇濶二丈餘名金牛跡石舊傳有金牛從洪下山透過下余村經

行此峰留十數跡于石上及有牧童卧處並笠杖跡

成化舊志

山高四十八丈延袤三十六里

嘉靖昌化縣志

上有巨石方廣畝

餘四望俱入空際

康熙昌化縣志

雙桂峰

在縣西南里許聯屬南屏二峯秀色可愛

嘉靖昌化

縣志

按舊志作雙柱峰

梯峰

在縣西三十二里

昌化縣志

樂利峰

在千頃山左壁立孤峭上可望錢塘江背極蕪

湖縣

古今圖書集成職方典

太平尖

在縣西北二十五里聯屬百丈孤峰陡聳上有

甘泉石間有篆文古跡元時人避難于此故名

昌化縣志

雪崖 崖在百丈溪東崖石白點如雪因名宋邑人凌蜚

英廬墓其下謝枋得詩云漫說清銜冰一條爭如百丈雪

崖高蓋指此也

成化舊志

蜃巖 在縣南十里朱穴其東有蜃池併以名焉

成化舊志

金紫巖 距縣三十五里在玉嶺巖石如赤金故名

萬歷昌化

將志

石巖 在佛跡山巖石對峙雄峻綿亘自麓至巔一日方

到有石鼓石座石碁枰蓋神仙所棲

咸淳志 姚九德白石巖詩朝游訪名巖

巖空白石靜雲光留戶庭虛室何閒冷幽興激重泉高情

獨遐嶺林盡始窮巔峯迴覺路永弭節停中阿流風衰更

整適睎澄霞姿揮精厲日影彼美不可追
芳躅徒自景遂信參寥者無人復無境

墨子巖 在縣西南四十里蒲川其高切雲上有室穴坐

具樵者見野服三四輩環坐石間問侍者曰古墨子也
淳志

鐵礧巖 在縣西十五里巖頂掌平方壁峭立狀如鐵礧

嘉靖昌化縣志 張芬游鐵礧巖記于募鐵礧巖而游之
巖居千頃寺之北負土而迅銳四望皆方形如削有類乎
鐵工之礧以鑄鍛羣器者然遂以名之或曰枕也卽興公
漱流枕石之義巖有沙五色分隊而列儼若畫驟雨怪風
不能擾亂樵牧之好事者取各種少許鋪雜成繡以爲異
觀踰日再過色各歸其隊雖分置排列不若是之純也元
末有將吳存仁者領所部兵校屯此遂保障此山之民民
德焉至今祀之巖頂有巨蕩奇旱不涸且有七泉今迷其
五每遇旱土之農禱焉而雨是吳將軍之神誠有德
于此民者故并記之其時蓋丁酉暮春修楔時也

獅子巖

在縣西五十里山形如獅

咸淳志

一名獅石隴崖

壁嶙峋儼若狻猊蹲踞狀巖左嵌洞爲門出入微泉吐洞

頂滴滴灌注小壑其對爲象鼻巖

古今圖書集成職方典李以淳題獅子巖詩

磴道盤紆處峰奇搏面來倚巖成佛座伏穴笑凡材雪引飛泉過青偷嵐影迴沉吟幽險路題罷認林隈

滴水巖

在縣西七十五里石壁環列如城巖水注下資

以溉田

大清一統志

山多奇松人莫能取巖水下滙爲澗大

旱不竭

萬歷舊志

白蛇巖

在大鳴山

嘉靖昌化縣志

娑羅巖

在千頃山

萬歷昌化縣志

仙人巖

在縣西北七十五里下有山洞上多怪石異草

嘉靖昌
化縣志

照金巖 在縣西北九十五里巖下有石其光可鑒毛髮

自紅巾寇焚後不復明

古今圖書集成職方典

白水巖 飛泉灑落如練其上多靈草昔有二叟憩菴內

後不知所終但見雙鶴翔于巖際云相對有蓮花峯

昌化縣志

王守矩白水巖詩為尋芝草到茅菴峭壁孤岑俯碧潭石上蒼苔薰雨氣林間蘿薜鎖烟嵐一巖春水白于雪兩座蓮峰臺似簪從古仙靈多憇此夜深應有鶴停驂

壺瓶岡 在縣西四十五里中有洞為石燕洞

嘉靖新江通志

走馬平 山之名平者所在有之嘗至昌化縣過一山其

下甚峻至頂而平夷名走馬平乃知平之為義蓋如此

演

露

按縣又有楓樹平何上平道場平等地名今人不知其義改作坪咸淳志虞溪下書楓樹平自作平字

藏春塢

在縣東南雲老村

萬歷舊志

蘆荻墩

在縣南四十一里平陽突起小墩高不盈丈廣

畝餘清泉仰瀉夏涼冬溫嚴寒煖氣薰蒸疊疊上浮環墩

無積雪

昌化縣志

紫薇嶺

在縣東一里路出江南徽州

大清一統志

嶺上又

有雲峰嶺南連郭門北距金雞山縣東之奇觀也嶺有官

亭凡送迎多止于此

成化舊志

賈似道過紫微嶺詩丙風落葉路漫漫衣袂微生且暮寒只

隔片雲家便到遠
山移入夢中看

長嶺 在縣東南五里高十餘丈
萬歷昌化縣志

玉嶺 去縣南三十五里金山之上俗呼爲金山玉嶺又

有二山峙其下爲挂榜山
成化舊志山高七十丈亦曰金玉嶺

萬歷舊志

龍髯嶺 一作龍鬚 在縣西南四十里地名蒲川石上莎草厚

如茵褥嶺有廟廟後有石鏡其下有潭亦龍所宅
咸淳志在

縣西南三十五里高四十五丈地名金村
嘉靖昌化縣志

鳳凰嶺 在縣西三里高二十丈
嘉靖昌化縣志

按成化志只稱鳳嶺

黃花嶺

在縣西三十里與寧國接壤其上有關

舊浙江通志

車盤嶺

在縣西五十里路山徽州輿程記云自車盤而

西三十里爲老竹嶺嶺高二里徑道崎嶇又西十里爲王

干巡司屬徽州府績溪縣

讀史方輿紀要

自水華溪以往車盤則

峰岑並舉若豎鳥翅三休而升前山纍纍足底耳老竹嶺

約高車盤又數百仞其嶺爲昌化新安之界山有五迴之

名

吳引嘉白嶽往還漫記

老竹嶺

自昱嶺五里至新橋鋪爲老竹嶺嶺當兩山迴

合處嶺以東水皆流入太湖嶺以西水皆流入浙江山勢

兩背相抵曲澗蛇行其間萬杉森森四望疑無出竇而嶺

路稍通一線雖牛假人力鑿治亦奇勝之地也

李白華禮白嶽記

百丈嶺 在縣西六十里有龍池旱則禱之山高而崎嶇

春冬霧氣白晝如夜

萬歷昌化縣志

欠嶺

在縣西七十里

萬歷舊志

手罕嶺

在縣西九十里嶺低坦可屋

嘉靖昌化縣志

棧嶺

一名分界嶺在縣西一百里其嶺爲績溪縣界

古今

圖書集成職方典

柳嶺

在縣北七十五里

萬歷舊志

仙姑洞

在縣南八都山嶺其大如堂屋內有泉窟遊人

可盥

嘉靖昌化縣志

甲子洞 在縣西十八里前山下

康熙昌化縣志

王太伯洞 百丈山有王太伯鹽洞或見鹽數十袋曝于

洞口就之不見疑以為神仙

咸淳志

玉仙洞在百丈山中石

洞幽深古仙人王太伯嘗居之今為崩石塞門不可入

咸化

舊志王公洞一曰古仙洞又曰王仙洞

嘉靖昌化縣志

按王仙成化志作玉仙似訛

七里洞 在縣西四十里其深七里靈物居之每歲水必

一至其勢衝山激石澗壑為之屢遷流過石湖而入晚溪

嘉靖昌化縣志

徐楫偕邑博冷麓泉遊七里洞詩老樹

荒村秋易過天風落木滿山阿迢迢古砌穿藜藿突兀層

巖繞薜蘿隱隱竹籬迎犬吠悠悠林莽度

鵲梭溪頭笑語成長坐會聽樵歌下遠坡

石燕洞 在縣西四十五里洞門高丈餘中有巨室可容

數十人有清泉四時不竭 大清一統志 在義干前塢石洞深

不可測其頂有天窗通明泉流涓涓繞石如琴筑聲舊傳

古有石燕飛出故名 成化舊志

丁當洞 一名丁東在鷺峰寺後泉聲丁東四時不絕 古

圖書集成藏方典 洪谷蘗丁東泉詩渴烏商盡三更雨

鐵鳳敲寒六月風湯餅困來茶未熟為師搖夢作丁東

王守矩丁當洞記鷺峰禪室後有大麓焉綠蘿如繚斑竹

成垣蛇盤虬攫環詭殆不可狀山多石嵌空玲瓏怪奇雜

逯如戟士伉壯持弓矢劒戟稜稜欲刺人坐其下寒氣沁

肌骨遊者至此每旋踵余以暇借諸客至其地曰是必有

異呼僧訊之曰離此數十步有丁當洞投以石鏗然有聲

響敗刻而止風日晴和時有白虹紫霞氣如游絲縷縷從

洞口吐納既乃直上幽篁松栢間林麓皆濕乃扒蔓蔓穿

石鱗盤蹙而上詣洞口仰視巖窟若頽領斷齧累累下垂

俯視晴巖窈窕窈窕不見底投以石藜藜如鼓聲因笑語
僧曰凡洞空中多竅者投之卽有聲獨此丁當洞乎哉語
未竟老僧具酒食觴其下拋一石飲一卮以爲觴政半酣
客有善簫者按節而吹俄有聲從洞中出淹淹抑抑慘慘
切切忽瀏亮激越振動林木歸禽野鳥呼噪和答客乃繞
洞大叫曰是所謂丁當洞也惜前此未及游游者又未及
洞口而返遂使茲洞沒湮至今也余曰否否仙窟靈藪蕪
沒邱墟榛莽間千百年未經過而問焉者不知凡幾獨丁
當洞然哉今斯洞遭余與子而其奇以顯則亦未可謂之不幸也因磨石記歲月而還

龍洞 在龍塘山普濟寺後其洞深暗莫能窮近歲有禱

旱者偕十數人持火入其中行可半里初聞泉聲涓涓少

頃聲漸大陰氣中出火爲之滅衆懼而還始信爲龍物所

棲也

成化舊志

石磴縈紆而下如曲房有石狀肖羅漢若雕鏤

者然故又曰羅漢洞

萬歷舊志

石路 有二一在縣東二里西臨灣水潭東爲崖壁宋令
劉士修鑿爲鄉民便太學生孫布記一在縣西三十五里
破山灣南臨深溪北抵崖壁天順五年叶源陳宗儒鑿計
二里許廣三四尺工費數百金章道榮記其路爲徽杭要
衝商旅踵接未通鑿時行者必渡溪南岸迂行數里復渡
北岸冬寒病涉或遇溪漲尤爲旅患此路一開無復二渡
之險矣

嘉靖昌
化縣志

小石門 在縣西北五十里雙崖並峙峻絕不可登

大清

一統志 在獅子巖西五里兩石壁立如門其中回環三五里
水瀲灩循門而出俗傳神仙所棲

咸淳志

門僅可通人出入

其泉水是爲頰口溪之源南流入雲溪

嘉靖新江通志

石龕 在龍塘山麓高丈許中可容三五人內有龍巖和

尚趺坐跡又有石窟如小鉢線泉紆滲其中不溢不涸盛

寒不冰

萬歷舊志

石鏡 在龍髯嶺廟後瑩澈可鑒毛髮明則霽昏則雨邑

人以爲候

咸淳志

每夕光照曜則反照入石觀者爲之奪目

舊昌化縣志

程宏道登石鏡山詩拾級尋幽勝千崖一

照中菱花疑水

碧潭月盪雲空翠岫分眉倩蒼烟點畫工

山靈好拂拭

清影鑒何窮

金牛跡石 在縣南二十八里金山之外

成化舊志

石廣三丈

上有牛跡數十此昔好事者鑿石爲之俗謂有金牛從供

下山出經行下餘村留此跡蓋傳會也

嘉靖浙江通志

挂簾石 在縣南五十里潘山山聳片石如空中垂簾下

有石棋局亦神仙所棲

咸淳志

梅花石 在縣西南十里前溪塢口巨石屹起有白點隱

然如梅花可觀

咸化舊志

秦皇石 在百丈山下兩石對峙高二三丈古傳秦始皇

東遊錢塘有神人驅石石去不速輒鞭之此石乃驅之不

去者又號爲雙峯

咸化舊志 俞應奎詠秦皇石詩祖龍盛氣役神鞭壁立無移只屹然定是先

朝陳寶化陰靈寂寂笑求仙

龍尾石 在縣西四十三里洞口空曠可容數人有石如

正練下垂鱗爪皆具水一縷涔涔滴注爲小窪深數尺冬夏不涸盛暑入其中寒氣卓堅毛髮病目者掬拭之多愈

昌化縣志

關刀石 在縣西七十里荊洲水口倚天拔出彎環如刀

狀舊志

盤蛇石 在千頃山上石縫中有一金色小蛇或隱或現

人呼爲聖蛇

成化舊志 潘元燦詩跌坐盤蛇石冥焉斷情想閒看蒼翠中白雲遞來往

仙人石 有三一在縣西北二十五里北嶠龍湫之上石

高三十餘丈其頂坦平上有石棊局棊路赤色如界畫者觀者攀緣而上毛髮爲之悚然一在縣西南五十里阜英

嶺石高五十餘丈倚空特立旁無土木望之如人形又名
佛住巖一在縣西北一百里汪仙莊有片石特立山麓高
十餘丈上廣下狹瞰乎溪流四面巽狀如柱如掌如浮圖
如人立或以飛梯緣上置佛像于嵌巖之間

成化舊志

白鰲湖 在縣西南一里合溪亭之後十餘步橫亘半里

許舊多蓮花宋邑令張伯奮建鏡紅亭于上

萬歷舊志

虞溪 在縣東一里又云瀟溪自此綿亘三十里凡涉數

村曰楊村曰盛村曰楓樹平日黃蘗皆在此溪上下流間

爾雅陵夾水曰瀟

咸淳志

瀟溪自黃蘗山頂發源

成化舊志

紫溪 在縣南東流經於潛縣西南合桐水

大清一統志

吳

興記云邑有文山水東南流爲紫溪輿地志以爲水紫色

也又云紫溪中央有赤色盤石長百餘丈望之如霞名曰

赤瀨水

太平寰宇記

源出縣東五里道場坪左吐珠灣歷下冲

經紫口至童婆橋入三溪下流

舊昌化縣志

按紫溪大源出自於潛天目及昌化百丈二山交會於

柳溪道場坪左所出蓋又其別源也詳見前於潛縣卷

雙溪 在縣南一百步溪中有洲水分南北過縣復合于

一湍聲澎湃巖谷響應

成化舊志

縣境之水西北自寧國西自

績溪西南自淳安支分爲數十溪匯流于縣之西境東經

縣西十里之晚山又東經縣治前分爲南北因名雙溪過

縣復合爲一又東南匯縣境諸小溪水而注于柳溪

讀史方輿

紀要

范成大昌化詩翠染南山擁縣門一州橫截兩溪

分長官

日永無公事卧聽灘聲看白雲尹廷高雙溪道

中值風

雨詩竹與野輒嶺嶠崎三宿纔方出翠微遠水帶

烟爭晚

色西風挾雨作寒成綠莎路繞黃泥曠鳥相林藏

白板扉

屈指重陽歸又近尊前兒女笑牽衣左譽雙溪

詩孤嶼

藏烟迷宿鷺扁舟和雨阻沙鷗西湖不是無風月

每到唐

山

特少留

合溪 在縣雙溪之西數百步溪之上下皆分流湍激于

其中合處橫亘一里許平濶深遠宋開禧元年令章伯奮

作亭于上榜曰合溪

成化舊志

在縣西北五十里經龍井寺東

流與巨溪會

嘉靖昌化縣志

下阮溪 在縣南一十五里

成淳志

其上流接雙溪經下阮

村南流三十餘里入于柳溪

成化舊志

三溪 在縣南十五里西南衆水會歸里人建閣于上

昌化

縣志

周龍驤三溪卽事詩平疇踏徧到東臯仄徑如腸

滑似膏白筍短篷來野艇青泥屐竈出新陶已驚拜墓携

春酒更訝迎巫獻社羔故國風

情休自憶滿頭白髮不堪搔

柳溪 在縣東南二十五里爲邑之深滙上下三十里俗

名其上曰小柳中曰柯相公潭下曰大柳巨石參錯屹乎

中流湍激洶湧澎湃其聲如雷彷彿呂梁川峽亦奇觀也

可泛舫通賈貨俗曰梭船遇久雨大漲則莫敢行矣

嘉靖昌化

縣志在柳相山下縣境諸溪悉滙于此東達于於潛之紫溪

讀史方

輿紀要桐溪自於潛南流至麻車埠有昌化縣南之柳溪

雙溪合而東注之

水道提綱 傳佩泛柳溪詩二首野興忽從春後得清溪四月泛仙槎日光浮

浪明蒼壁山影入流懸白沙灑酒杯從天上送狂歌人向鏡中譚遨遊不盡坡公意欲望滄洲試采花天開石壁真奇勝蛟坂層巒變態全鳥篆尙存千古跡雲章遙接二微羅氣凌草樹無佳色窟長蛟龍有宿涎我欲結茅高頂上三芝煮石可成仙 戴渠柳溪詩赤壁古來留吳跡天形地軸此能全驚濤觸石雲衣濕深布懸崖水帶纏春水壘塘戒舟楫秋深丙穴有龍涎蓬瀛一望人千里何日清遊會羽仙

伽溪 在縣南二十五里源出縣西南峽川東流入柳溪

大清一統

志 溪流亘四十里 成化舊志

上博溪 在縣西南三十里源出縣西南五十里貢嶺東

南流入伽溪

大清一統志

其水合湍塢唐梁沈四溪之水東

北流四十里

成化舊志

覽溪 在縣南三十里合蕭蒲二源南流二十里迂廻九

曲與上博溪會流達于柳溪蓋兩山析流故也沙明水淨

石蒲叢然游魚可數而無飛湍激瀨之聲

萬歷舊志

縣南境諸

水遠于雙溪者皆附覽溪仰溪以達于柳溪

續史方輿紀要

蒲溪 在縣南六十里

咸淳志

其源發自蒲溪嶺向東流五

里至覽溪

成化舊志

平渡溪 在縣西南七里

咸淳志

其源出佛子嶺東流過葛

村以達雙溪

嘉靖昌化縣志

樞溪 在縣西南三十里其源發自蕭源向南流二十五

里入于仰溪

成化舊志

社丁溪 在縣西南三十里

咸淳志

扯溪水自峽山發源向

東北流達于上博溪

咸淳舊志

按社丁溪成化志作扯溪萬歷志嘉靖縣志並作杜溪

未知孰是

沈溪 在縣西南五十里

咸淳志

其源自貢嶺東南流三十

里合唐溪梁溪湍塢三源爲上博溪入于伽溪

嘉靖昌化縣志

橫溪 在縣西南六十里其源出大鳴山

萬歷舊志

奧溪 在縣西六里源出寧國縣界

大清一統志

至金紫巖

東流五里合黃溪南流過場水橋入晚溪

嘉靖昌化縣志

晚溪 在縣西九里

咸淳志

與無他溪巨溪諸小溪之水會

有許由洗耳灘今許氏所居之東南隅爲中洲一名上黿

洲洲前伏象屏名挂榜山洲後長湖潭接東塢水洲下石

壁灣磯磯如畫

嘉靖昌化縣志 章昭文晚溪詩攬轡吳山欲盡頭危閣下瞰浪花秋白蘋風斷東

西岸赤石灘分上下舟閒聽漁樵談舊事誰將芎筍薦前

脩應同巢許誇寥廓只有寒聲流不休 鄭作蕭洗耳灘

詩灘聲洶湧幾春秋洗耳還須一枕流耳畔是非無有盡

故應流水不知休 黃伯善上黿灘寄謝中洲許二尹詩

緩鴈下吏秩遂負野人心白屋迷雲壑黃昏度竹林

村中聞吹大淵上規棲禽不識挂瓢處寒流曲曲深

歷溪 在縣西十五里源出千頃山東流入晚溪

大清

統一

志

其南流出白牛橋達洗耳灘

嘉靖昌化縣志

蓮溪 在縣西十五里其源絕深處山皆壁立水流巨石

湍激可畏舊傳陳霸二仙曾隱此每垂釣石上今枕臂坐

跡皆存溪中有鷓鴣塞雙眉潭咸淳志巨溪一名遵溪北接

上溪東南流經青山潭黃石灘與晚溪會雨漲則濤浪險

惡渡者患焉萬歷舊志

董溪 在縣西二十五里出百丈山東流三十五里達洗

耳灘古今圖書集成職方典百丈溪出百丈山下南流為瀝溪東流

為董溪合流注于晚溪讀史方輿紀要

無他溪 在縣西三十五里咸淳志上接雲溪東流與巨溪

合經洗耳灘而為晚溪咸化舊志

頰口溪 在縣西五十里源出石門之西大清一統志出石

門北南流入無他溪萬歷舊志

蜃溪 在縣西六十里其源出淳安界北流會雲溪下流
入無他溪 嘉靖昌化縣志

後溪 在縣西七十里其源出荊洲東流會高溪同入巨
溪 嘉靖昌化縣志

雲溪 在縣西七十里源出昱嶺東流入巨溪 大清一統志

以其源高得名下流合衆水達于雙溪溪流不半里而有
灘灘名不可枚舉 成化舊志

楊溪 在縣西八十里其源出龍塘山東南流三十里入

雲溪 萬曆舊志

上溪 在縣西北六十里東流至縣西十七里爲巨溪又

東南至縣西七里爲晚溪又東經縣南爲雙溪爲合溪又經縣南十五里爲下阮溪又南至柳相山下爲柳溪又東入於潛縣界至縣東南四十里合西溪

大清一統志 其源發

自寧國縣界向南流綿亘九十里

成化舊志

仁里溪 在縣西北一百里其源出玉橋經倒石塢寧國

縣界黃巖坑出高溪而高溪之源出荊洲東流與後溪會

嘉靖昌化縣志

義澗 在縣西四十里自唐以來爲放生池每春水淩波

巨魚浮游人多觀之

舊志

一名義千干水涯也又俗呼義干

溪界楊溪無他溪之間

嘉靖昌化縣志

柯相公潭 在縣東南十五里大溪上曰小柳下曰大柳

中有大石盤固水勢湍激潭在其下相傳柯相公乘舟覆溺于此遇澄霽時所覆舟可見陰晦則聞水上樂聲

咸淳志

按咸淳志於潛縣亦載此潭潭當兩縣界故各見也

浴仙潭 在縣東南三十里欖村何仙姑浴處溪水澄瑩

而香

咸淳志

太伯潭 在百丈山之左古傳泰伯採藥南來嘗陟此山

飲泉而甘故名

咸淳志

按咸淳志百丈山有王太伯鹽洞此潭當因王氏得名採藥之說附會之也

鳥儀潭 在百丈山下潭水澄清嘉魚異螺所聚古傳曾

有赤色靈鳥向水邊整羽儀人欲羅之卽化爲石故其地

亦名赤鳥

成化舊志

翠釜潭 在縣西三十里百丈山下翠石團團中窪如釜

飛泉百尺自巖巔瀉落釜中與蓬仙巖聯屬豈神仙家所

謂天厨獻食之處耶

嘉靖昌化縣志

回龍潭 在縣西五十里驚峯寺前

萬歷舊志

華光潭 在縣西七十五里華光嶺下

嘉靖昌化縣志

仁里潭 在縣西九十里合二流入潭旱時二流俱涸而

此潭猶溢凡居仁里村者咸汲于此

萬歷舊志

拋兒潭 在縣西九十五里元末寇亂有負小兒入山寇

追急棄兒于潭因名

古今圖書集成職方典

雙眉潭 在縣西北五十里地名上溪其上山皆壁立石

壁上有雙眉痕人莫知所始潭之上下巨石壅流喧騰可

畏

成化舊志

羊頭潭 去縣西北七十里地名都亭源石壁對峙舊名

龍門瀑布百尺界于門中下注深潭潭底有石形如羊頭

兩角嶄然旁有五石杯類祭奠所設或陰晦龍出游其聲

如鐘鼓歲旱以罌禱取其水有鱗屬入之必雨

咸淳志

東坡池 在縣西半里城隍廟西北東坡以倅車至邑愛

其風景命築亭鑿池種千葉紅蓮今亭址碑碣皆毀成化舊志

放生池 在縣西治平寺咸淳志 一在縣北武隆山麓康熙

二年邑令盧毓粹新鑿古今圖書集成職方典

龍池 十有一一在龍池山一在大鳴山一在大鵠山一

在百丈嶺其在銅坑山之絕頂者有三池焉其在嶠源龍

井院曰龍湫其在千頃山曰龍潭其在龍塘山曰龍塘其

塘有二嘉靖昌化縣志

蜃池 在蜃巖之東萬歷舊志

清平泉 在縣治堂階下一名清平沼元肅政廉訪使徐

琰養齋銘取池水觀政之意嘉靖昌化縣志 徐琰清个
沼銘山下出泉其流湜湜

子琴室可湘可滌既止且平亦
清且深匪觀爾政實觀爾心

東坡泉 在縣治南蘇軾始尋源得之後人鑿石爲泓 大

清一統志

治泉 在縣南門外數武澄泓一線瀹茗甚佳邑令李人

龍鑿治泉二字于石上古今圖書集成職方典 徐逢吉

峻岫四望蒼蒼晨可蠟也而溪流更勝時帥鎮在坐曰溪
流不逮治泉予曰治泉如何曰其地縣治之南其坪平崖
之罅其質味冷于夏冬則少溫蓋匪今斯今已其物色之
則自我侯李公始既過往臨溪下土其脈不似他山彼來
此受其泉不似他流上湧下瀑其身天目之右臂源蓋自
天目與其出消消似梵音水樂其勢微溪懷烟引霞惜哉
桑苧翁不及品此昔謝靈運瘳于山水搜奇剔隱靡所不
之已獨失一雁宕至宋祥符中人始知有雁宕之奇絕夫
此泉故匪今斯今也亦必待公物色之而始著噫山水顯
晦其亦有數耶夫古今勝概以人重以人傳若蘇之堤元

之谷萊范二公之泉皆一時文人墨士或書美或寄思非
誕也公獨遜謝李宇而以治名之何皇哉唐哉公之志自
此遠矣請得意爲言公自考爾自考爾自考爾自考爾
村落如炙斧斤非所承也公易以梁肉寬賦簡詞省徭
隄三年中不啻八功德水之沃之也猶鰓鰓焉曰呂創未
息與民氣未集與偶見一泉輒以治諗之正如丹書見几
楨則銘見杖帶則銘云自劭何昌平矣鄰燧頻驚民情猶
沸公若爲示之以安瀾也者于野親趾如故于邑飲社請
法如故于泮序月校如故且讓水廉泉之鄉又期與諸士
共之鳴琴未已輒復騎射作氣練勇桑戶干城必將使虎
無可渡之河也而止若曰自今伊始大文三會以表衆大
武三會以克敵治乃成皇哉唐哉公之治其自此遠矣予
將鐫諸石焉一賀茲泉遇公而顯一賀茲昌遇公而治
周頌孫治泉詩四首山高如雲有石其峩霞標古樹竹窺
新蘿環流千頃飛雨在阿映天之碧湛兩清波倚彼清波
澹如臣心脈流有源出雲爲霖透我烟蓑炎景以澄潺湲
成響冷矣聞琴琴心可娛好音自隄瑩澈冰壺蕩漾虹霓
崖花澹蔭素襟如携蘊隆之麓洛我烝黎彼烝者黎沐浴
有年洛流于石湛比于天在東爲
洛在西爲灋朝宗江海灌注百川

蒙泉 在覽川極甘冷大旱不涸章樞浚爲井刻銘于石

牀成化舊志

龍孔泉 在縣南三十里金山玉嶺下旁通金紫岩泉流

不竭巨魚出必雨咸淳志石穴徑二尺餘寒泉自穴中湧起

冬夏不竭居民賴之以爲水利溉田甚廣歲旱亦禱于此

成化舊志

天井泉 在縣西五十里地名葉源有馬塢小山巔有石

竅名天井深不可測其中若列梯級通人上下有泉涓涓

灌注石面凝結石脂圓者名寒水石如冰筋者名鵝管石

晝執燭可入光采奪目或以絲繫石試井聲瑟瑟如鼓盪

絲一鑿石墜未已井東有銅山神入者褻慢卽迷所出舊

傳此井通朱浪村長潭

咸淳志

瀑布泉 有二其一在縣南三十里玉嶺後石壁峭立百餘丈飛泉自山崖下瀉四時竭竭其一在大鳴山唐宣宗微時隱此悟空禪師咏瀑布泉詩曰穿山透石不辭勞遠地方知出處高宣宗足之曰溪澗豈能留得住終歸大海

作波濤

嘉靖昌化縣志

龍門瀑 在縣西百丈山中俗名白水其源極深石壁萬

仞飛流直下石上有仙人足跡及擣藥臼

成化舊志

龍塘 在縣西龍塘山有三塘上塘在山巔廣百餘畝蛟

龍所居塘上大樹森然龍掛其上枝幹剝脫觀者悚心下塘去上塘五里廣五十餘畝塘水常涸禱旱者祝之少頃則水泉湧出而雨以應上塘亦如之然非大旱多不至其上也凡邑民禱旱在此稱爲龍塘

成化舊志

龍湫 一名龍井去縣西北三十里北嶠源石池濶二丈餘深不可測有龍宅焉上有石渠綿亘半里許如建瓴狀中可容小舟水從渠中流下注于池其聲淙淙池之下復有石渠以洩水若人所造者前有石壩歲旱則禱于上旁

有龍井院

方輿路程紀要

石井 在縣東石井巷內相傳爲五代所置

成化舊志

煉丹井 在縣北一里武隆山葛洪煉丹之所一在東坡

亭後

古今圖書集成職方典

湧泉井 在縣西六十里同山村泉從沙底汨出盛寒之

日煖氣蒸如烟霧夏則冰大旱不涸崇禎庚辰忽一日水

盡腥黑越日復清如故

舊昌化縣志

義井 在鳳嶺之東一里宋慶元中令周堪鑿井結亭以

濟行客

成化舊志

水南渡 上水南渡在縣西南一里下水南渡在縣東南

一里

咸淳志

平葛渡 在縣西南二里渡北舊有亭名立沙

成化舊志

泥晶渡

在縣東南五里

咸淳志

高犁渡

在縣西南八里白牛橋下

昌化縣志

下阮渡

在縣東南十五里

咸淳志

康熙己亥里人胡希勳

建浮橋三十餘級又助田立會以備修葺

昌化縣志

巨溪渡

在縣西十五里舊置橋名巨川又名蓬溪

咸化舊志

崇正十三年水圯堪村姚舜哲設木橋并船以濟

昌化縣志

董溪渡

在縣西二十里

咸淳志

林村渡

去縣西二十里舊置橋名平政宋奉使林光世

改名安西題詩有飛瀑千尺壓清溪之句橋廢洪武十年

主簿陳量中易置渡船行者便之

咸化舊志

無他渡 在縣西三十里 咸淳志

板橋渡 在縣西北六十里明萬歷十九年邑令周洛都

建昌化 縣志

杭州府志卷二十二終

杭州府志 卷二十二 山川 吳